



Broj: 01-43/21
Vareš, 25.02. 2021. godine

Na osnovu člana 5. stav 4. Zakona o koncesijama (Sl. novine FBiH br.40/02 i 61/06), člana 8. i 56. Zakona o principima lokalne samouprave (Sl. novine FBiH br. 49/06), člana 8 Zakona o koncesijama (Prečišćeni tekst)(Službene novine Zeničko- dobojskog kantona, br. 5/03),. člana 95. Statuta Općine Vareš, (prečišćeni tekst) broj: 01-162/12 od 11.09.2012. godine a u vezi sa članom 100. Poslovnika o radu Općinskog vijeća Vareš (Novi prečišćeni tekst) br: 01-132/20 od 19.10.2020. godine, a postupajući po zahtjevu Ministarstva za privredu/gospodarstvo Zeničko-dobojskog kantona broj: 04-14-05923-3/20 od 02.11.2020. godine, Općinsko vijeće Vareš, na 2. sjednici održanoj 25.02. 2021. godine, **d o n o s i**

Z A K L J U Č A K

I

Daje se saglasnost za dodjelu koncesije za istraživanje ruda obojenih metala na lokalitetu „Saski do“, općina Vareš.

Predmetni lokalitet je definisan kordinatama lomnih tačaka:

1.Lokalitet Saski Do

Tačka	Y	X
1	6524260,00	4890720,00
2	6525040,00	4890370,00
3	6525000,00	4890300,00
4	6525180,00	4890220,00
5	6524920,00	4889640,00
6	6523280,00	4890320,00
7	6523630,00	4890840,00

Po novom premjeru, radi se o sljedećim parcelama(katastarskim česticama) koje obuhvataju sljedeće katastarske općine:

K.O. PLANINICA:

1401/11, 1401/10, 1401/9, 1401/7, 1410, 1413/1, 1414.

K.O. DRAGOVIĆI:

1498, 1661, 1660/1, 1660/2, 1660/3, dio 1662/1, dio 1663, 1662/2, 1662/3.

Po starom premjeru udgovara sljedećim katastarskim česticama:**K.O. PLANINICA:**

dio 1715/1 SP_VAREŠ., dio 1715/1 SP_VAREŠ, dio 1715/1 SP_VAREŠ, dio 128/1 SP_VAREŠ, 151 SP_VAREŠ, 128/1 SP_POTOCI, dio 1715/1 SP_VAREŠ, dio 128/1 SP_POTOCI..

K.O. DRAGOVIĆI:

dio 365/1 SP_MIJAKOVIĆI, 136/1 SP_POTOCI, 128/86, dio 128/85, dio 138, dio 137/1 SP_POTOCI, dio 128/85 SP_POTOCI, dio 137/1 SP_POTOCI, dio 128/87, dio 137/2 SP_POTOCI, dio 137/2 SP:POTOCI, dio 137/1 SP_POTOCI, dio 137/1 SP_POTOCI.

Ukupna površina koncesionog područja iznosi 1,28 km²(1.280.000 m²)

II

Stanje i status zemljišta (istražnog polja) je sljedeće:

- stanje vlasništva u zemljišnim knjigama kao i posjeda u katastru-predmetno zemljište je državna i privatna svojina (privatno 55.915 m², ostalo državna svojina)
- prostornim planom općine Vareš, a koji je u fazi izrade, ovaj prostor je predviđen kao istražni prostor za rude obojenih metala, te sa aspekta prostorno planske dokumentacije nema smetnji za dodjelu koncesije
- na predmetnoj lokaciji i u neposrednoj blizini nema objekata historijskog i kulturnog nasljeđa.
- na predmetnim lokacijama i neposrednoj blizini ne postoje izvorišta koja koriste lokalno stanovništvo te sa aspekta sanitarne zaštite izvorišta nema smetnji za dodjelu koncesije za predmetne lokalitete.
- na predmetnoj lokaciji postoje lokalni vodoprivredni objekti a ne planira se gradnja novih vodoprivrednih objekata za snadbijevanje naselja vodom.

III

U svim aktivnostima dodjele koncesije i izrade koncesionog ugovora aktivno će biti uključena lokalna zajednica, a sve u skladu sa članom 56. Zakona o principima lokalne samouprave.

IV

Koncesionar, koji bude izabran kao najpovoljniji ponuđač, obavezan je prikupiti sve potrebne saglasnosti i dozvole, s posebnim težištem na okolinsku dozvolu, kojom će biti ispunjene norme u skladu sa Zakonima EU o zaštiti okoliša.

Ugovorom o koncesiji potrebno je regulisati obaveze koncesionara o sanaciji i rekultivaciji eksploatisanog prostora po završetku istraživanja.

V

Zaključak se dostavlja Ministarstvu za privredu/gospodarstvo Zeničko-dobojskog kantona na daljnje postupanje.

VI

Ovaj Zaključak stupa na snagu danom donošenja.

**PREDSJEDAVAJUĆA
OPĆINSKOG VIJEĆA**

Mahira Brkić

OBRAZLOŽENJE ZAKLJUČKA

o davanju saglasnost za dodjelu koncesije za istraživanje ruda obojenih metala na lokalitetu „Saski do“, općina Vareš.

Na osnovu člana 1. Zakona o dopunama zakona o koncesijama (Sl. novine FBiH br. 61/06) i članova 8. i 56. Zakona o principima lokalne samouprave (Sl. novine FBiH br. 49/06), Općinsko vijeće ima nadležnost da daje saglasnost za dodjelu koncesije, te vrši politiku upravljanja prirodnim resursima i raspodjelu sredstava ostvarenih na osnovu njihovog korištenja na teritoriju koji je definisan općinskim granicama.

Članom 8 Zakona o koncesijama (Prečišćeni tekst) (Službene novine Zeničko-dobojskog kantona, br. 5/03) je definisano da u slučaju da ponuđač samoinicijativno nadležnom ministarstvu podnese zahtjev za dodjelu koncesije za koju nije raspisan javni oglas, ministarstvo putem komisije procjenjuje da li postoji javni interes za dodjelu koncesije. Ukoliko komisija utvrdi da postoji javni interes za predloženu koncesiju predlaže ministru da pokrene postupak dodjele koncesije shodno odredbama ovoga Zakona.

Saglasnost Općinskog vijeća je osnovni akt za procjenu postojanja javnog interesa (sa aspekta uravnoteženog regionalnog razvoja, ekonomskog, sociološkog, ekološkog, uređenje i korištenje prostora na kome se realizira koncesioni projekat).

Ministarstvo za privredu/gospodarstvo Zeničko-dobojskog kantona je uputilo dopis broj. 04-14-05923-3/20 od 02.11.2020. godine na Općinsko vijeće i Općinskog načelnika u kojem se traži saglasnost za dodjelu koncesije za istraživanje ruda obojenih metala na lokalitetu „Saski do“, općina Vareš, a po samoinicijativnog zahtjeva broj: 04-14-05923/20 od 05.08.2020. godine i dopune broj:04-14-05923-1/20 od 18.09.2020. godine od strane privrednog društva Triassic Reusources d.o.o. Sarajevo

Od strane Ministarstva je dostavljena i Studija o ekonomskoj opravdanosti dodjele koncesije za istraživanje obojenih metala na području „Saski do“, općina Vareš. koju je uradila firma „PIGIP“ d.o.o. Sarajevo te navodimo najbitnije segmente iz Studije. U ovoj studiji je su navedeni i pokazatelji vezani i za proces eksploatacije i prerade rude mada to nije predmet davanja saglasnosti nego će biti predmet ako se istraživanjem utvrde ekonomski prihvaljive rezerve ruda obojenih metala.

Opis predmeta koncesije

Predmet koncesije su geološka istraživanja ruda obojenih metala na lokalitetu „Saski do“, općina Vareš i obuhvata prostor površine od oko 1,28 km², oivičen prelomnim tačkama od 1 do 7 i nalazi se iznad nekadašnje farleze i radionice u Smreci, prema jalovištu Papale i obuhvata većim dijelom šumsko i rudničko zemljište uključujući i dio jalovinskog odlagališta Papale (prilog kopija katastarsog plana)

Granica obuhvata prostora predmeta koncesije pripada Katastarskim općinama Planinica i Dragovići i većinskim dijelom je šumsko zemljište a manjim dijelom poljoprivredno zemljište. Na ovom lokalitetu, prema polaznim osnovama Prostornog plana Federacije BiH predviđeno je istraživanje i eksploatacija obojenih metala.

Istraživanja, eksploatacija i prerada obojenih metala ima višestruk značaja posebno je potrebno naglasiti sljedeće:

1. Otvaranje novih radnih mjesta za stanovništvo općine Vareš: maksimalno za vrijeme istraživanja, te stalno zaposlenog osoblja u toku rada i održavanje budućeg rudnika i pogona prerade rude.
2. Poboljšan životni standard lokalnog stanovništva i smanjenje siromaštva.
3. Doprinos društveno ekonomskom razvoju općine, kantona i Federacije kao i naučno istraživačkom potencijalu Bosne i Hercegovine.

Cjelokupni vijek trajanja projekta(koncesije); od istraživanja, pa preko eksploatacije do prerade i zatvaranjaće trajati 27 godina. Planirani period istraživanja je 3 godine, pripremni radovi 2 godine, vijek eksploatacije zajedno sa preradom rude 20 godina i

periodom zatvaranja rudnika 2 godina. U prostoru u toku istraživanja i eventualne eksploatacije i prerade rude, neće biti negativnih uticaja u smislu rušenja stambenih objekata i preseljavanja stanovništva jer se radi o šumskom području.

Pozitivni uticaji na stanovništvo su brojni u prvom redu se odnose na zapošljavanje i čitav niz privrednih aktivnosti koji prate ove projekte, kao što je infrastruktura, građevinarstvo, metalna industrija, transport, trgovina itd.

Također, ovakav projekat zahtijeva izgradnju putne infrastrukture koja će biti od koristi za stanovništvo.

Ukoliko rezultati istraživanja budu pozitivni, izgradnja budućeg rudnika mora biti urađena u skladu sa projektnom dokumentacijom, sa mjerama zaštite okoliša i osigurati da uticaji izgrađenih objekata budućeg rudnika budu prihvatljivi za pejzaž i lokalnu zajednicu.

Iskorištenje mineralnog resursa prati i obaveza koncesionara na različite kompezacije društvu i lokalnoj zajednici, kao i naknada korištenja koncesije u skladu sa zakonima Federacije BiH i kantona.

Prostor gdje će biti postavljena postrojenja za preradu rude će biti posebno zaštićen od mogućeg prodora štetnih supstanci koje mogu prodrijeti u tlo, površinske i podzemne vode.

Obzirom da investitor ne posjeduje znanje o potencijalnim rezervama i kvalitetu rude, a što će se utvrditi nakon završetka istraživanja, izuzetno je teško odrediti tehničke detalje budućeg poslovanja te se bazira na dosadašnjim dostupnim podacima i pretpostavkama.

Investitor planira, ako se stvore preduслови, podzemnu eksploataciju kao i preradu rude.

U toku istraživanja planira se angažovati 28 zaposlenika.

Godišnji plan proizvodnje iznosi 500.000 tona rude uz angažovanje 120 radnika.

Predviđena sredstva za istraživanje su 15 miliona KM.

Istraživanje bi se provodilo u dvije faze. U prvoj fazi bi se radilo o metodama istraživanja koje ne zahtijevaju aktivnosti u prostoru (sem strukturnih istražnih bušotina) u smislu kopanja i raskopavanja. Rezultati istraživanja prve faze će omogućiti izradu detaljnog projekta II faze istraživanja sa pozicijama istražnih bušotina i rudarskih radova.

U drugoj fazi će se izvršiti istražno bušenje, jamski odnosno rudarski radovi i ispitivanje kvaliteta rude. Rezultati II faze će se prikazati u Elaboratu o klasifikaciji, kategorizaciji i proračunu rezervi obojenih metala.

Predmetni Elaborat verifikuje Federaciono ministarstvo energije, rudarstva i industrije i ako se utvrde ekonomski isplative rezerve ide se dalje u postupak dobijanja koncesije za eksploataciju te u konačnici dozvole za eksploataciju i preradu rude.

Finansijska sredstva koja bi se izdvajala kroz koncesionu naknadu bila bi značajan element stabilizacije budžeta Općine, a slijedilo bi i nova upošljavanje stanovništva općine Vareš.

Eksploatacija mineralnih resursa bi imala pozitivan uticaj na razvoja općine Vareš kao i ostvarivanje prihoda od koncesije te se predlaže Općinskom vijeću da usvoji Zaključak u predloženom obliku.

PREDLAGAČ
OPĆINSKI NAČELNIK
Zdravko Marošević